



МОЛИТВОСЛОВ



МОЛИТВОСЛОВ

САТИСЪ
Санкт-Петербург
1997

*По благословению
Архиепископа Пермского
и Соликамского
Афанасия*

ISBN 5-7868-0003-2

© Издательство "Сатисъ", 1997
Оригинал-макет, оформление



Молитвы утренние

Проснувшись, начинай молиться:

Во імя Отца, и Сына, и
Святаго Духа. Аминь.

Бóже, мѣлостив бѹди мне
грѣшному (*поклон*).

Гóсподи Иисѹсе Христѣ, Сы-
не Бóжий, моли́тв ра́ди Пре-
чи́стыя Твоея́ Ма́тере и всех
святы́х, помѣлуй нас. Аминь.

Сла́ва Тебе́, Боже наш,
слава Тебе.

Молитва Святому Духу

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Трисвятое

Святый Боже, Святый Крепкий, Святый Безсмертный, помилуй нас.

Читается трижды с крестным знаменiem и поясным поклоном.

Слава Отцу и Сыну и Свя-

то́му Ду́ху, и ны́не и прѣсно
и во ве́ки веко́в. Ами́нь.

Пресвята́я Тро́ице, поми-
луй нас; Господи, очисти гре-
хи́ наша; Влады́ко, прости́
беззаконія́ наша; Святы́й,
посети́ и исцели́ не́мощи на-
ша, и́мене Твоего ра́ди.

Господи, помилуй (*трижды*).
Слава, и ныне *:

Молитва Господня

Отче наш, Иже еси́ на не-
бесѣх! Да святѣтся имя́ Твое́,

* Когда написано "Слава", "И ныне",
надо читать полностью: "Слава Отцу и
Сыну и Святому Духу", "И ныне и присно
и во веки веков. Аминь".

да приидет Цѣрствіе Твое, да
будет воля Твоя, ꙗко на небе-
сіи и на земли. Хлеб наш на-
сущный даждь нам днесь; и
оста́ви нам до́лги наша, ꙗко-
же и мы оставляем должни-
комъ нашим; и не введи нас во
искуше́ние, но изба́ви нас от
лука́ваго.

Тропари Святой Троице

Воста́вше от сна, припада-
ем Ти, Бла́же, и а́нгельскую
песнь вопи́ем Ти, Сильне:
Свят, Свят, Свят еси, Боже,
Богоро́дицею помилуй нас.

Слава: От одра́ и сна воз-
двигл мя еси, Господи, ум мой

просвети и сердце, и устнѣ
мои отвѣрзи, во ѣже пѣти Тя,
Святая Троице: Свят, Свят,
Свят еси, Боже, Богородицею
помилуй нас.

И ныне: Внезапно Судия
приидет, и коегѣмудо деянія
обнажѣтся, но страхом зовѣм
в полунощи: Свят, Свят, Свят
еси, Боже, Богородицею по-
милуй нас.

Господи, помилуй (12 раз).

От сна востѣв, благодарю
Тя, Святая Трѣице, ꙗко мно-
гия ради Твоея благаго и
долготерпѣнія не прогнѣвал-
ся еси на мя, лениваго и греш-

наго, ниже́ погубил мя еси со
беззако́нными моими; но чело-
веколю́бствовал еси́ обы́чно и
в неча́янии лежа́щаго возд-
ви́гл мя еси, во е́же у́тренева-
ти и славосло́вити державу
Твою. И ныне просвети́ мои
о́чи мы́сленныя, отве́рзи моя
уста́ поуча́тися словесе́м Тво-
им, и разуме́ти за́поведи
Твоя, и твори́ти волю Твою,
и пе́ти Тя во испове́дании сер-
дечнем, и воспева́ти всесвя-
то́е имя Твое, Отца и Сына и
Святаго Духа, ныне и присно
и во веки веков. Аминь.

Прииди́те, поклони́мся Ца-
ре́ви нашему Богу, *(поклон)*.

Приидіте, поклонімся и
припадём Христу, Царёви на-
шему Богу (*поклон*).

Приидіте, поклонімся и
припадём Самому Христу, Ца-
рёви и Богу нашему (*поклон*).

Псалом 50, покаянный

Помілуй мя, Боже, по ве-
ліцей милости Твоей, и по
мно́жеству щедро́т Твоих очіс-
ти беззако́ние мое. Наипа́че
омый мя от беззако́нія моего,
и от греха моего очісти мя;
я́ко беззако́ние мое аз знаю,
и грех мой предо мною есть
вы́ну. Тебе еди́ному согреших
и лука́вое пред Тобою сотво-

ри́х; я́ко да оправди́шия во
словесе́х Твоих, и победи́ши
внегда́ суди́ти Ти. Се бо, в
беззакóнных зача́т есмь, и во
гресе́х роди́ мя ма́ти моя. Се
бо, истину возлюбил еси; без-
ве́стная и тайная премудрос-
ти Твоея́ явил ми еси. Окро-
пи́ши мя иссо́пом, и очи́щуся;
омы́еши мя, и па́че снега убе-
лю́ся. Слу́ху моему да́си ра-
дость и веселие; возра́дуются
ко́сти смире́нныя. Отврати́
лице Твое от грех моих и вся
беззакóния моя очисти. Серд-
це чисто сози́жди во мне, Бо-
же, и дух пра́в обновí во ут-
ро́бе моей. Не отвер́жи мене

от лица Твоего и Духа Твоего Святаго не отымѣю от мене. Воздаждь ми радость спасѣния Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устны мои отверзеши, и уста моя возвестят хвалу Твою. Яко аще бы восхотѣл еси жертвы, дал бых ѹбо: всесожжѣния не благоволиши. Жертва Богу дух сокрушенъ; сердце сокрушенно и смиренно Бог не уничижитъ.

Ублажи́, Господи, благоволе́нием Твоим Сио́на, и да сози́ждутся стены Иерусали́мския. Тогда благоволи́ши жертву правды, возноше́ние и всесожега́емая; тогда возложа́т на олта́рь Твой тельцы́.

Символ веры

Ве́рую во еди́наго Бога Отца, Вседержи́теля, Творца не́бу и земли́, ви́димым же всем и неви́димым. И во еди́наго Господа Иису́са Христа, Сына Божия, Единороднаго, Иже от Отца рождённаго прежде всех век; Света от Света, Бога и́стинна от Бога и́стинна, рож-

дѣнна, несотворѣнна, едино-
сущна Отцу, Имже вся быша.
Нас ради человек и нашего
ради спасения сшѣдшаго с
небес и воплотѣвшагося от
Духа Свята и Маріи Девы, и
вочеловѣчшася; распятаго же
за ны при Понтійстем Пилá-
те, и страда́вша, и погребѣн-
на; и воскресшаго в третий
день по Писáніем, и возшед-
шаго на небеса, и седя́ща
одесну́ю Отца; и па́ки гряду-
щаго со славою суди́ти жи-
вым и мертвым, Егóже Цар-
ствию не будет конца. И в
Духа Свята́го, Господа, Жи-
вотворящаго, Иже от Отца

исходящаго, Иже со Отцем и Сыном спокланяема и ссла́вима, глаго́лавшаго пророки. Во едину Святую, Собóрную и Апóстольскую Церковь. Исповéдую едíно крещéние во оставление грехов. Ча́ю воскресéния мёртвых, и жизни будущаго века. Аминь.

*Молитва 1-я, святого
Макария Великого*

Боже, очисти мя грешнаго, яко николи́же сотвори́х благое пред Тобою, но избави мя от лука́ваго, и да будет во мне воля Твоя, да неосуждён-

но отвѣрзу уста́ моя недостой-
ная и восхваля́ю имя Твое свя-
тое, Отца и Сына и Святаго
Духа, ныне и присно и во веки
веков. Аминь.

*Молитва 2-я,
того же святого*

От сна воста́в, полу́нощ-
ную песнь приношу Ти, Спа́-
се, и припа́дая вопи́ю Ти: не
даждь ми усну́ти во грехо́в-
ней смерти, но уще́дри мя,
распны́йся волею, и лежаща-
го мя в лениости ускори́в воз-
ста́ви, и спаси мя в предсто-
я́нии и молитве, и по сие
нощне́м возсияй ми день без-

грешен, Христе Боже, и спаси
меня.

*Молитва 3-я,
того же святого*

К Тебе, Владыко Челове-
колюбче, от сна воста́в при-
бега́ю, и на дела́ Твоя подви-
за́юся милосердием Твоим, и
молю́ся Тебе: помози́ ми на
всякое время, во всякой ве-
щи, и избави мя от всякия
мирскі́я злыя вещи и диа́-
вольскаго поспеш́ения, и спа-
си мя, и введи в Царство Твое
вечное. Ты бо еси мой Сотво-
ри́тель и всякому бла́гу Про-
мы́сленник и Подáтель, о Те-

бе же все упováние мое, и Тебе славу возсылаю, ныне и при-сно и во веки веков. Аминь.

***Молитва 4-я,
того же святого***

Господи, Иже многою Твоею блага́стию и великими щедрóтами Твоими дал еси мне, рабу Твоему, мимоше́дшее время но́щи сея́ без на-па́сти прейти́ от всякаго зла протíвна; Ты Сам, Влады́ко, вся́ческих Тво́рче, сподóби мя истинным Твоим светом и просвещénным сердцем тво-рити волю Твою, ныне и при-сно и во веки веков. Аминь.

**Молитва 5-я,
к Ангелу хранителю**

Святы́й Ангеле, предсто́яй
ока́янной мое́й ду́шѣ и стра́ст-
ной мое́й жизни, не оста́ви
мене́ грешнаго, ниже́ отступи
от мене́ за невоздержáние
мое. Не даждь места лукаво-
му де́мону облада́ти мною,
насы́льством смертнаго сего́
телесе́; укрепи бедствующую
и худую мою руку и наставля́
мя на путь спасения. Ей, свя-
ты́й Ангеле Божий, храните́-
лю и покровите́лю ока́янных
мое́й ду́шѣ и те́ла, вся мне
прости, ели́кими тя оскорби́х

во вся дни живота́ моего, и
а́ще что согреши́х в прешѣд-
шую ночь сию́, покрый́ мя в
настоящий день, и сохрани
меня от всякаго искуше́ния про-
тѣвнаго, да ни в ко́ем гресѣ
прогнѣваю Бога, и моли́ся за
меня ко Господу, да утвердит
меня в стра́се Своем, и досто́йна
покажет меня раба Своея́ бла-
гости. Аминь.

***Молитва 6-я, ко
Пресвятой Богородице***

Пресвята́я Влады́чице моя
Богоро́дице, святыми Твоими
и всесильными мольба́ми от-
жени́ от мене, смиреннаго и

окаяннаго раба Твоего, уны-
ние, забвѣние, неразúмие, не-
радѣние, и вся скверная, лу-
кавая и хúльная помышления
от ока́ннаго моего сердца и
от помрачѣннаго ума моего; и
погаси́ пла́мень страстѣй мо-
их, я́ко нищ есмь и ока́нен.
И избави мя от многих и
лю́тых воспоминаний и пред-
прия́тий, и от всех действ
злых свободи́ мя. Яко благо-
словѣна еси от всех родóв, и
славится пречестно́е имя Твое
во веки веков. Аминь.

**Молитвенное призывание
святого, имя которого
носишь**

Моли Бога о мне, святы́й
угодниче Божий (*имя*), я́ко аз
усердно к тебе прибегаю, скó-
рому помóщнику и моли́твен-
нику о ду́ше моей.

**Песнь Пресвятой
Богородице**

Богоро́дице Де́во, ра́дуй-
ся, Благода́тная Мари́е, Гос-
подь с Тобою; благослове́на
Ты в жена́х и благослове́н
плод чре́ва Твоего, я́ко Спа́са
родила́ еси́ душ на́ших.

**Тропарь Кресту
и молитва за Отечество**

Спаси́, Господи, люди Твоя́,
и благослови достоя́ние Твое,
побе́ды на сопроти́вныя да́-
руя, и Твое сохраня́я Крестом
Твоим жи́тельство.

Окончание молитв

Досто́йно есть яко войс-
тинну блажи́ти Тя Богороди-
цу, Присноблаже́нную и Пре-
непоро́чную и Матерь Бога
нашего. Честне́йшую Херу-
ви́м и сла́внейшую без срав-
нения Серафи́м, без истлѣ́ния
Бога Слова рождшую, су́щую
Богородицу Тя величаем.

Слава, и ныне: Господи,
помилуй (*трижды*).

Господи Иисусе Христе,
Сыне Божий, молитв ра́ди
Пречистыя Твоея́ Матере,
преподобных и богоносных
оте́ц наших и всех святых,
помилуй нас. Аминь.





Молитвы в продолжении дня

Молитва перед вкушением пищи

Отче наш, Иже еси на небесех! Да святится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь, и остави нам долги наша, якоже и мы оставляем должником нашим; и не введи нас во

искушѣние, но избáви нас от лука́ваго. Или:

Очи всех на Тя, Господи, уповают, и Ты дае́ши им пищу во благовре́мени, отверзаеши Ты щедрую руку Твою и исполняеши всякое животное благоволения.

*Молитва
после вкушения пищи*

Благодарим Тя, Христé Боже наш, яко насытил еси́ нас земных Твоих благ; не лиши нас и Небеснаго Твоего Царства, но яко посреде́ учеников Твоих пришел еси, Спасе,

мир даѣй им, прииди к нам
и спаси нас.

*Призывание помощи
Духа Святаго
на всякое доброе дело*

Царю Небесный, Утешителю, Душе истины, Иже везде
сый и вся исполняй, Сокро-
вище благих и жизни Пода-
телю, прииди и вселися в ны,
и очисти ны от всякия скверны,
и спаси, Благже, души наша.

Тропарь, глас 2-й

Творче и Создателю вся-
ческих, Боже, делá рук на-
ших, к славе Твоей начинае-

мая, Твоим благословением
спешно исправи, и нас от вся-
каго зла избави, яко един все-
силен и Человеколюбец.

Кондак, глас 6-й

Скорый в заступление и
крепкий в помощь, предста-
ни благодатию силы Твоея
ныне, и благословив укрепи,
и в совершение намерения
благаго дела рабов Твоих про-
изведи: вся бо елика хочещи,
яко Сильный Бог, творити мо-
жеши.

***Благодарение за всякое
благодѣяние Божие***

Тропарь, глас 4-й

Благодарни суще недос-
тойнии раби Твои, Господи,
о Твоих великих благоде́яни-
их на нас бывших, славяще
Тя хвалим, благословим, бла-
годарим, поем и величаем
Твое благоутробие, и рабски
любвию вопием Ти: Благоде-
телю Спасе наш, слава Тебе.

Кондак, глас 3-й

Твоих благоде́яний и да-
ро́в ту́не, яко раби непотреб-
нии, сподобльшися, Владыко,

к Тебе усердно притекающе, благодарение по силе приносим, и Тебе яко Благодéтеля и Творца славяще, вопием: слава Тебе, Боже Всещедрый.

Слава, и ныне: Богородичен

Богородице, христианом Помощнице, Твое предстательство стяжавше раби Твои, благодарно Тебе вопием: радуйся, Пречистая Богородице Дево, и от всех нас бед Твоими молитвами всегда избави, Едина вскоре предстательствующая.



Молитвы на сон грядущим

Во імя Отца, и Сына, и
Святаго Духа. Аминь.

Господи Иисусе Христэ,
Сыне Божий, моли́тв ра́ди
Пречи́стыя Твоея́ Матере,
преподóбных и богонóсных
оте́ц наших и всех святы́х,
помилуй нас. Аминь.

Слава Тебе, Боже наш,
слава Тебе.

Царю Небесный, Утешите-

лю, Ду́ше и́стины, Иже вездѣ
сый и вся исполняй, Сокро́-
вище благѣх и жизни Подá-
телю, прииди́ и вселѣся в ны,
и очисти ны от всякѣя сквѣр-
ны, и спаси, Блáже, души
наша.

Святѣй Бóже, Святѣй
Крепкий, Святѣй Безсмерт-
ный, помилуй нас (*трижды*).

Слава Отцу и Сыну и Свя-
тому Духу, и ныне и присно
и во веки веков. Аминь.

Пресвятая Трѣице, поми-
луй нас; Господи, очисти гре-
хи наша; Владыко, прости
беззаконія наша; Святѣй,

посетѣи и исцели не́мощи наша, ѿмене Твоего́ ра́ди.

Господи, помилуй (*трижды*).
Слава, и ныне:

Отче наш, Иже еси́ на небесѣх! Да святѣ́тся имя Твое, да при́дет Ца́рствие Твое, да будет воля Твоя, яко на небесѣх и на земли́. Хлеб наш насущный даждь нам днесь; и оста́ви нам до́лги наша, якоже и мы оставляем должни́ком нашим; и не введи нас во искушение, но изба́ви нас от лукаваго.

Тропари

Помилуй нас, Господи, помилуй нас; всякаго бо ответа

недоумѣюще, сию Ти молитву
яко Владыце грешнии прино-
сим: помилуй нас.

Слава: Господи, помилуй
нас, на Тя бо упова́хом; не
прогнѣвайся на ны зело́, ниже́
помяни́ беззаконий наших,
но при́зри и ныне яко благо-
утро́бен, и избáви ны от враг
наших; Ты бо еси Бог наш, и
мы лю́дие Твои, вси дела́ руку́
Твоёю, и имя Твое призывáем.

И ныне: Милосѣрдия две-
ри отвѣрзи нам, благословѣн-
ная Богородице, надѣющиися
на Тя да не погибнем, но да
избáвимся Тобою от бед: Ты

бо еси спасение рѣда християнскаго.

Господи, помилуй (12 раз).

***Молитва 1-я, святого
Макария Великого,
к Богу Отцу***

Бѣже вечный и Царю всякаго создания, сподѣбный мя даже в час сей доспѣти, прости ми грехи, яже сотворих в сей день дѣлом, словом и помышлѣнием, и очисти, Господи, смиренную мою душу от всякия скверны плоти и духа. И даждь ми, Господи, в ноцѣ сей сон прейти в мире, да востав от смиреннаго ми

лѡжа, благоугождѹ пресвятому имени Твоемѹ, во вся дни животá моего, и поперѹ борѹщия мя враги плотскіѧ и безплѡтныѧ. И избави мя, Господи, от помышлений сѹетных, оскверняющих мя, и похотей лукавых. Яко Твое есть царство и сила и слава, Отца и Сына и Святаго Духа, ныне и присно и во веки веков. Аминь.

*Молитва 2-я, святого
Антиоха, ко Господу
нашему Иисусу Христу*

Вседержителю, Слово Отчее,
Сам совершен сый, Иисусе

Христе, многога ради милосердия Твоего никогда́же отлуча́йся мене́, раба Твоего, но всегда во мне почива́й. Иисусе, добрый Пастырю Твоих овец, не преда́ждь мене крамолé зми́йне, и желанию сатанину́ не остави мене, яко се́мя тли во мне есть. Ты у́бо, Господи Боже покланя́емый, Царю́ Святы́й, Иисусе Христе, спяща мя сохрани немерца́ющим светом, Духом Твоим Святым, Имже освяти́л еси Твоя ученики. Дажь, Господи, и мне, недостойному рабу Твоему, спасение Твое на ло́жи моем: просвети ум

мой светом разума святаго Евангелия Твоего, душу любовью Креста Твоего, сердце чистотою словесé Твоего, тело мое Твоею страстию безстра́тною, мысль мою Твоим смирением сохрани, и воздвигни мя во время подобно на Твое славословие. Яко препросла́влен еси со Безначальным Твоим Отцем и с Пресвяты́м Духом во веки. Аминь.

*Молитва 3-я,
ко Пресвятому Духу*

Господи, Царю́ Небесный,
Утёшителю, Ду́ше истины,

умилосѣрдися и помилуй мя грешнаго раба Твоего, и отпусти ми недостойному, и прости вся, елика Ти согреших днесъ яко человек, паче же и не яко человек, но и горее скота, вольныя моя грехи и невольныя, ведомыя и неведомыя: яже от юности и от науки злы, и яже суть от нагльства и уныния. Аще именем Твоим кляхся, или похулих е в помышлении моем; или кого укорих; или оклеветах кого гневом моим, или опечалих, или о чем прогневахся; или солгах, или безгодно спях, или нищ при-

йде ко мне, и презрѣх его; или брата моего опечалих, или свадих, или кого осудих; или развеличахся, или разгордѣхся, или разгнѣвахся; или стоящу ми на молитве, ум мой о лукавствии мира сего подвижеся, или развращѣние помыслих; или объядохся, или опихся, или без ума смеяхся; или лукавое помыслих, или доброту чуждую видев, и тою уязвен бых сердцем; или неподобная глаголах, или греху брата моего посмеяхся, моя же суть безчисленная согрешения; или о молитве не радих, или ино что содеях

лукавое, не помню, та бо вся и больша сих содёях. Помилуй мя, Творче мой Владыко, унылаго и недостойнаго раба Твоего, и оста́ви ми, и отпусти, и прости мя, яко Благ и Человеколю́бец, да с миром ля́гу, усну́ и почию, блудный, грешный и окаян-ный аз, и поклоню́ся, и воспою́, и просла́влю пречестно́е имя Твое, со Отцем, и Единоро́дным Его Сыном, ныне и присно, и во веки. Аминь.

Молитва 4-я

Господи Боже наш, ёже согреших во дни сем словом,

делом и помышлѣніем, яко Благ и Человеколюбец прости ми. Мѣрен сон и безмятѣжен даруй ми. Ангела Твоего хранителя послѣ, покрывающа и соблюдающа мя от всякаго зла, яко Ты еси хранитель душам и телесем нашим, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

Молитва 5-я

Господи Боже наш, в Негоже веровахом, и Егоже имя паче всякаго имени призываем, даждь нам, ко сну отхо-

дѣящим, ослабу душѣ и тѣлу,
и соблюди нас от всякаго меч-
тания, и темныя слѣсти кро-
мѣ; устави стремлѣние стра-
стей, угаси разжжѣнія воста-
нія телѣснаго. Дажь нам
целомудренне пожѣти дѣлы и
словесы; да добродетельное
жѣтельство воспрѣмлюще,
обетованных не отпадѣм бла-
гѣх Твоих, яко благословен
еси во веки. Аминь.

*Молитва 6-я,
ко Пресвятой Богородице,
Петра Студийского*

К Тебе Пречѣстей Божией
Матери аз окаянный припа-

дая молюся: вѣси, Царице, яко безпрестѣни согрѣшаю и прогневляю Сына Твоего и Бога моего, и многажды аще каюся, лож пред Богом обрѣтаюся, и каюся трепѣща: не ужѣли Господь поразитъ мя, и по часѣ паки тѣяжде творю; вѣдущи сія, Владычице моя Госпожѣ Богородице, молю, да помилуеши, да укрѣпиши, и благая творити да подаши ми. Вѣси бо, Владычице моя Богородице, яко отнюд ѣмамъ в ненависти злая моя дѣла, и всею мыслию люблю закон Бога моего; но не вемъ, Госпожѣ Пречистая, откуду яже

ненави́жду, та и люблю, а
благáя преступáю. Не попу-
щáй, Пречистая, воли моей
совершáтися, не угодна бо
есть, но да будет воля Сына
Твоего и Бога моего: да мя
спасёт, и вразумíт, и подаст
благодать Святаго Духа, да
бых аз отсéле престáл сквер-
нодéйства, и прочее пожíл
бых в повелéнии Сына Твоего,
Емúже подобает всякая сла-
ва, честь и держава, со Безна-
чáльным Его Отцем, и Пре-
святы́м и Благíм и Животво-
ря́щим Его Духом, ныне и
присно, и во веки веков,
аминь.

**Молитва 7-я,
ко Пресвятой Богородице**

Блага́го Царя́ благáя Ма́-
ти, Пречистая и Благословен-
ная Богородице Марие, ми-
лость Сына Твоего и Бога на-
шего излѣй на стра́стную мою
душу и Твоими молитвами
настави мя на де́янія благáя,
да прочее время живота́ моего
без поро́ка прейдú и Тобою
рай да обря́щу, Богородице
Дево, едина Чистая и Благо-
словенная.

**Молитва 8-я,
ко святому Ангелу
хранителю**

Ангеле Христóв, храните-
лю мой святы́й и покровите-

лю души и тела моего, вся ми прости́, ели́ка согреших во днѣшний день, и от всякаго лукавствія протѣвнаго ми врага изба́ви мя, да ни в ко́емже гресѣ прогнѣваю Бога моего; но моли́ за мя грешнаго и недостойнаго раба, яко да достойна мя пока́жеші блага́ости и милости Всесвяты́я Тро́ицы и Ма́тере Господа моего Иисуса Христа и всех святых. Аминь.

Кондак Богородице

Взбра́нной Воево́де победѣ́тельная, яко изба́вльшеся от злых, благодарственная воспису́ем Ти раби́ Твои, Бо-

городице, но яко имѹщая державу непобедимую, от всяких нас бед свободѣ, да зовѣм Ти: радуйся, Невѣсто Нене-вѣстная.

Преслѣвная Приснодѣво, Мѣти Христа Бога, принеси нашу молитву Сыну Твоему и Богу нашему, да спасет Тобою дѹши наша.

Все уповѣние мое на Тя возлагаю, Мати Божия, сохрани мя под крѡвом Твоим.

Богородице Дево, не прѣзри мене грешнаго, трѣбующа Твоея помощи и Твоего заступления, на Тя бо уповѣ душа моя, и помилуй мя.

Молитва святого Иоанникия

Упова́ние мое Отец, прибѣ-
жище мое Сын, покрóв мой
Дух Святы́й: Трóице Святая,
слава Тебе.

Досто́йно есть яко во́йс-
тинну блажи́ти Тя, Богороди-
цу, Присноблаже́нную и Пре-
непоро́чную и Ма́терь Бога
нашего. Честне́йшую Херу-
ви́м и сла́внейшую без срав-
не́ния Серафи́м, без истлѣния
Бога Слова ро́ждшую, су́щую
Богородицу Тя велича́ем.

Слава, и ныне: Господи,
помилуй (*трижды*).

Господи Иису́се Христé,
Сы́не Божий, моли́тв ра́ди
Пречистыя Твоея́ Ма́тере,
преподóбных и богонóсных
отец наших и всех святых,
помилуй нас. Аминь.

*Молитва святого
Иоанна Дамаскина*

Влады́ко Человеколю́бче,
неужéли мне одр сей гроб бу-
дет, или́ еще окая́нную мою
ду́шу просвети́ши днем? Се
ми гроб предлежи́т, се ми
смерть предстои́т. Суда Твое-
го, Господи, боюся и му́ки
безконéчныя, злое же творя́
не престаю́: Тебе Господа Бога

моего всегда прогневлѣю, и Пречистую Твою Матерь, и вся Небесныя силы, и святаго Ангела хранителя моего. Вем ѹбо, Господи, яко недостойн есмь человеколюбия Твоего, но достоин есмь всякаго осужденія и мѹки. Но, Господи, или хощѹ, или не хощѹ, спаси мя. Аще бо праведника спасеши, ничтѹже вѣлие; и аще чѣстаго помѣлуеши, ничтѹже дѣивно: достѹйни бо суть милости Твоея. Но на мне грешнем удивѣ милость Твою: о сем явѣ человеколюбие Твое, да не одолеет моя злоба Твоей неизглаголанней благодости и

милосердию: и якоже хощеши, устрóй о мне вещь.

Просветí очи мои, Христе Боже, да не когда́ усну́ в смерть, да не когда́ речёт враг мой: укрепíхся на него.

Слава: Застúпник души моея́ бúди, Боже, яко посреде́ хождú сетей мно́гих; избáви мя от них и спаси мя, Блáже, яко Человеколюбец.

И ныне: Преславную Божию Матерь, и святых Ангел Святéйшую, немóлчно воспо́им сердцем и усты́, Богородицу сию́ испове́дающе, яко во́истинну рóждшую нам Бо-

га воплощённа, и молящуюся
непрестанно о душах наших.
Осенив себя крестным знаменiem,
говори молитву Честному Кресту:

Да воскреснет Бог, и рас-
точатся вразі Его, и да бежат
от лица Его ненавидящии Его.
Яко исчезает дым, да исчез-
нут; яко тает воск от лица
огня, тако да погібнут бёси
от лица любящих Бога и зна-
менующихся крестным зна-
мением, и в веселии глаголю-
щих: радуйся, Пречестный и
Животворящий Кресте Гос-
подень, прогоняяй бёсы си-
лою на тебе пропятаго Госпо-
да нашего Иисуса Христа, во

ад сшѣдшаго и попрáвшаго
силу диáволю, и даровáвшаго
нам тебе Крест Свой Честный
на прогнáние всякаго супос-
тáта. О, Пречестный и Живо-
творя́щий Крѣсте Госпóдень!
Помога́й ми со Святою Госпо-
жéю Девою Богородицею и со
всеми святыми во веки.
Аминь.

Или кратко:

Ограда́ мя, Господи, си́-
лою Честна́го и Животворя́-
щаго Твоего́ Креста, и сохра-
ни мя от всякаго зла.

Молитва

Осла́би, оста́ви, прости́, Бо-
же, прегрешéния наша, во́ль-

ная и невóльная, яже в слове и в деле, яже в вѣдении и не в вѣдении, яже во днѣи и в нощѣи, яже во умѣ и в помышлѣнии: вся нам прости, яко Благ и Человеколюбец.

Молитва

Ненавѣдящих и обѣдящих нас прости, Господи Человеколюбче. Благотворящим благосотвори. Братіям и сродником нашим даруй яже ко спасению прощѣния и жизнь вечную. В немощих сущия посети и исцеление даруй. Яже в мѣри упрáви. Путешествующим спутешествуй. Служá-

щим и мѣлюющим нас грехов оставление дѣруй. Заповѣдавших нам недостойным моли́тися о них помилуй по вели́цей Твоей милости. Помяни, Господи, прежде усѡпших отец и братьи́ наших и упокой их, идѣже присещает свет лица Твоего. Помяни, Господи, братьи́ наших пленѣнных и избѣви я́ от всякаго обстоя́ния. Помяни, Господи, плодоносящих и добродѣлающих во святых Твоих цѣ́рквах, и даждь им я́же ко спасению прощения и жизнь вечную. Помяни, Господи, и нас, смиренных и грешных и недо-

стойных раб Твоих, и просвети наш ум светом разума Твоего, и настави нас на стезю заповедей Твоих, молитвами Пречистыя Владычицы нашей Богородицы и Приснодевы Марии и всех Твоих святых: яко благословен еси во веки веков. Аминь.

Исповедание грехов повседневное

Исповѣдаю Тебе Господу Богу моему и Творцу, во Святей Троице Единому, славимому и покланяемому, Отцу, и Сыну, и Святому Духу, вся моя грехи, яже содѣях во вся

дни живота́ моего, и на вся-
кий час, и в настоящее время,
и в прешѣдшія дни и нѳщи,
делом, словом, помышлѣни-
ем, объядѣнием, пьянством,
тайноядѣнием, праздносло́ви-
ем, уны́нием, лѣнностію, пре-
косло́вием, непослуша́нием,
оклеветáнием, осуждѣнием, не-
брежѣнием, самолю́бием, мно-
гостяжа́нием, хищѣнием, не-
правдоглаго́ланием, скверно-
прибы́тчеством, мшело́ймст-
вом, ревновáнием, за́вистию,
гневом, памятозлѳ́бием, нѣ-
навистию, лихо́ймством и
всеми моими чѳ́вствы: зрени-
ем, слухом, обоня́нием, вку-

сом, осязанием и прочими моими грехи, душевными вкѹпе и телесными, ѿмиже Тебе Бога моего и Творца прогнѣвах, и ближняго моего онеправдовах: о сих жалея, винна себе Тебѣ Богу моему представляю, и имею волю каяться: точию, Господи Боже мой, помози ми, со слезами смиренно молю Тя: прешедшая же согрешения моя милосердием Твоим прости ми, и разреши от всех сих, яже изглаголах пред Тобою, яко Благ и Человеколюбец.

Когда засыпаешь, произнеси:

В рѹце Твои, Господи Иису-

се Христе, Боже мой, предаю
дух мой: Ты же мя благосло-
ви́, Ты мя помилуй и живот
вечный да́руй ми. Аминь.





*Часы на святую Пасху**

Христос воскресе из мерт-
вых, смертию смерть поправ
и сущим во гробех живот да-
ровав. *Трижды.*

Воскресение Христово ви-
девше, поклонимся Святому
Господу Иисусу, Единому Без-
грешному. Кресту Твоему по-
кланяемся, Христе, и Святое
Воскресение Твое поем и сла-

* *В Пасхальную седмицу вместо ут-
ренных и вечерних молитв читаются
обычно пасхальные часы.*

вим: Ты бо еси Бог наш, разве Тебе иного не знаем, имя Твое именуем. Приидите, вси вернии, поклонѣмся Святому Христову Воскресению; се бо приѣде Крестом радость всему миру; всегда благословяще Господа, поем Воскресение Его, распятие бо претерпев, смерть разруши. Трижды.

Предварившия утро яже о Марии и обретшия камень отваленъ от гроба слышаху от Ангела: во свете присносущнем Сущаго с мертвыми что ищете, яко человека? Видите гробные пелены: тецыте и ми-

ру проповедите, яко востá Господь, умертвивый смерть, яко есть Сын Бога, спасающаго род человеческий.

Аще и во гроб снизшел еси, Безсмертне, но адову разрушил еси силу и воскресл еси, яко Победитель, Христе Боже, женам мироносицам вещавый: Радуйтесь! и Твоим апостолом мир даруй, падшим подай воскресение.

Во гробе плотски, во аде же с душею, яко Бог, в рай же с разбойником, и на Престоле был еси, Христе, со Отцем и Духом, вся исполняяй, неопísанный.

Слава: Яко Живоносец, яко раѣ краснѣйшій, воистинну и чертога всякаго царскаго показася светлейшій, Христе, гроб Твой, источник нашего воскресения.

И ныне: Вышняго освященное Божественное селение, радуйся. Тобою бо дадѣся радость, Богородице, зовущим: благословена Ты в женах еси, Всенепорочная Владычице.

Господи, помилуй. 40 раз.
Слава, и ныне: Честнейшую Херувим: Христос воскрес: Трижды.

Содержание

Молитвы утренние	3
Молитвы в продолжении дня. .	24
Молитвы на сон грядущим . . .	30
Часы на святую Пасху	60

ISBN 5-7868-0006-7

Издательство "Сатисъ"

ЛР №064739 от 29.08.96

Отпечатано с готовых диапозитивов
в ОАО ПП-3.

Формат бумаги 60х90^{1/64}. Заказ 322.
191104, Санкт-Петербург, Литейный пр., 55

САТНСЪ